

樂城集卷第七

詩五十六首

次韻子瞻送范景仁遊嵩洛

尋山非事役行路不應難
洛浦花初滿嵩高雪尚寒
平林抽凍筍竒艷變山丹
節物朝朝好有興步步安
醪釀釀臘酒首荷薦朝盤
得意忘春晚逢人語夜闌
歸休三黜柳賦詠五噫鸞
鶴老身仍健鴻飛世共看
雲移忽千里世路脫重難
西望應思蜀東還定過韓
平川涉清潁絕頂上封壇
出處看公意令人欲棄官



送蔣夔赴代州教授

憶遊太學十年初猶見胡公豈第餘遍閱諸生非有道最憐能賦似相如青衫共笑方持板白髮相看各滿梳暫免百憂趨長吏勉調三寸事新書

次韻宿州教授劉涇見贈

此身雖復類潛夫衰老無心強著書道路不知奔走賤交遊空恠往還疎弦歌更就三年學簿領唯添一味愚它日相逢定何處莫將文采笑空疎

徐州送江少卿

夜雨泗河深曉日輕舟發帆開送客遠城轉高臺没居人永瞻望歸意何倉卒公來初無事豐歲多年麥

鈴閣度清風芳罇對佳客登臨未云厭談笑方自適朝廷念鰥老府寺虛清劇何以寄風流江山遶官宅

次韻子瞻寄眉守黎希聲

眼看狂瀾倒百川孤根漂蕩水無邊思家松菊荒三逕回首謳歌沸二天簿領沉迷催我老春秋廢格累公賢隣居屈指今誰在一念傷心十五年

與希聲隣居太學前是時公之亡兄與二亡姝皆在今十五年而在者唯公與僕二人言之流涕

和李邦直學士沂山祈雨有應

宿雪雖盈尺不救春夏旱吁嗟遍野天不聞歌舞通宵龍一戰旋開雲霧布旌旗復遣雷霆助舒卷雨聲

一夜洗塵埃流入溝河朝不見但見青青黍與禾老
農起舞行人歌汙邪滿車尚可許供輸到骨期無它
水行天地有常數歲歲出入均無頗半年分已厭枯
槁及秋更恐憂滂沱誰能且共蛟龍語時布甘澤無
庸多

陪子瞻遊百步洪

城東泗水平如席城頭遠山銜落日輕舟鳴榔自生
風渺渺江湖動顏色中洲過盡石縱橫南去清波頭
盡白岸邊恠石如牛馬銜尾舳艫誰敢下没人出沒
須臾間却立沙頭手足乾客舟一葉久未上吳牛回
首良閒關風波蕩瀟未可觸歸來何事嘗艱難樓中
吹角莫煙起出城騎火催君還

李邦直見邀終日對臥南城亭上二首

一徑坡陀草木間孤亭勝絕俯川原青天圖畫四山
合白晝雷霆百步喧煙柳蕭條漁市遠汀洲蒼莽白
鷗翻客舟何事來忽草逆上波濤吐復吞

東來無事得遨遊奉使清閑亦自由撥棄簿書成一
飽留連語笑失千憂舊書半卷都如夢清簟橫眠似
欲秋聞說歸朝今不久塵埃還有此亭不

次韻邦直見答二首

真能一醉逃煩暑定勝三杯禦臘寒自有詩書供永
日莫將絲竹亂風灘舞雩何處歸春莫叩角誰人怨
夜漫聞道丹砂近有術錙銖稱火共君看

五斗塵勞尚足留閉門聊欲治幽憂羞為毛遂囊中
穎未許朱雲地下遊無事會須成好飲思歸時亦賦
登樓羨君幕府如僧舍日向城隅看浴鷗

再次前韻四首

城頭棟宇恰三間楚望淒涼弔屈原雨洗山川百里
淨風吹語笑一城喧鄉書莫問經時絕歲事初驚片
葉翻南近清淮鱸鱖好釣筒時問有潛吞

謬將踈野託交遊平日論心亦有由科第聯翩叨舊
契利名踈闊少新憂清談已覺忘朱夏濁酒先防虐
素秋多病無聊唯有睡頻頻詩句未嫌不

野鶴應疑鳧鴈苦夏蟲未慣雪霜寒隱居顏氏終安
巷垂釣嚴生自有灘破宅不歸塵可掃下田初種水
應漫退耕尚作悠悠語拙宦猶須步步看

欲作彭城數月留溪山勸我暫忘憂城頭準擬中秋
望臺上遷延九日遊嵐氣雨餘侵近郭江聲風送隱
危樓汀洲聚散知誰恠且學漂浮水上鷗

雨中陪子瞻同顏復長官送梁燾學士舟行歸

汶上

客從南方來信宿北方去手棹木蘭舟不顧長江雨
江昏氣陰黑雨落無朝暮蕭蕭赴波濤濛濛暗洲渚
微涼入窻闔斜吹濕蕉苧漂灑正紛紜談笑方容與
不知江路長但覺青山驚客去浩難追落日平西浦
東遊本無事愛此山河右周旋樽俎歡邂逅英豪聚
茲遊有遺趣此樂恐宜屢賤仕迫程期遷延防譴怒
秋風日已至輕舸行當具陰森古城曲蒼莽交流處
懸知別時念將行重回顧非緣一寸祿應作二年住
同子瞻泛汴泗得漁酒二詠

江湖性終在平地難久居淶水雨新漲扁舟意自如
河身縈疋素洪口轉千卓願言棄城市長竿夜獨漁

又

懶思久廢詩病腸不堪酒強顏水石間濫蹟賓主後
不知白浪翻但恠青山走莫隨使車塵豈畏嚴城斗

明日復賦

放舟城西南却向東南泊朝來雨新霽白水浸城脚
古汴多流直清泗亦浮沫平吞百澗暴滅盡三洪惡
遊人不勝喜水族知當樂舟行野鳧亂網盡脩鱗躍
香醪溜白蟻鱸縷填花萼人生適意少一醉皆應諾

同遊非偶然，後會未前約。簡書尚見寬，行日爲公却。
贈吳子野道人

食無酒肉腹亦飽，室無妻妾身自好。世間深重未肯
回，達士清虛輒先了。眼看鴻鵠薄雲漢，長笑駑駘安
棧阜。腹中夜氣何郁郁，海底朝陽常杲杲。一塵不顧
舊山深，萬里來看故人老。空車獨載王陽橐，遠遊屢
食安期棗。東州相逢真邂逅，南國思歸又驚矯。道成
若見王方平，背癢莫念麻姑爪。

李邦直出巡青州，余不久將赴南都，比歸不及
見矣，作詩贈別。

東道初來託故人，南樓頻上泗河漣。江山尚有留人
意，樽俎寧當厭客貧。顧我及秋行不久，問君觸熱去
何因。西歸涼冷霜風後，濁酒清詩誰與親。

司馬君實端明獨樂園

子嗟丘中親藝麻，邵平東陵親種瓜。公今歸去事農
圃，亦種洛陽干本花。脩篁逸屋韻寒玉，平泉入畦紆
臥蛇。錦屏竒種斲巖竇，嵩高靈藥移萌芽。城中二月
花事起，肩輿適入公侯家。淺紅深紫相媚好，重樓多
葉爭矜誇。一枝盈尺不論價，十千十酒那容賒。歸來
曳履苔徑滑，醉倒閉門春日斜。車輪班班走金轂，印

綬若若趨朝衙世人不顧病揚紼弟子獨有窮侯芭
終年著書未曾厭一身獨樂誰復加宦遊嗟我久塵
土流轉海角如浮槎歸心每欲自投劾孺子漸長能
扶車過門有意奉談笑幅巾懷刺無袍鞞

送顏復赴闕

箬瓢未改安貧性鳧繹猶傳直道餘不見失官愁感
感但聞高臥起徐徐居中舊厭軍容講補外仍遭城
旦書此去將身置何許秋風未免憶鱸魚

王詵都尉寶繪堂詞

侯家王食繡羅裳彈絲吹竹喧洞房哀歌妙舞奉清

觴白日一醉萬事忘百年將種存慨慷西取庸蜀踐
戎羗戰袍賜錦盤鵬章寶刀玉玦餘風霜天孫渡河
夜未央功臣子孫白且長朱門甲第臨康莊生長介
冑羞膏梁四方賓客坐華堂何用為樂非笙簧錦囊
犀軸堆象牀竿叉連幅翻雲光手披橫素風飛揚長
林巨石插雕梁清江白浪吹粉牆異花沒骨朝露香

徐熙畫花落筆縱橫其子嗣變格以五色染
執不見筆迹謂之沒骨蜀趙昌蓋用此法耳

獸舌齧張騰踏驀裏聯驕驕噴振風雨馳平岡前數
顧陸後吳王老成雖喪存典常坐客不識視茫洋騏
驎飛煙郁芬芳卷舒終日未用忙遊意淡泊心清涼

屬目俊麗神激昂君不見伯孫孟孫俱猖狂干時與
事神弗臧

逍遙堂會宿二首并引

轍幼從子瞻讀書未嘗一日相舍既壯將遊宦四方
讀韋蘇州詩至安知風雨夜復此對床眠惻然感之
乃相約早退為閑居之樂故子瞻始為鳳翔幕府留
詩為別曰夜雨何時聽蕭瑟其後子瞻通守餘杭復
移守膠西而轍滯留於淮陽濟南不見者七年熙寧
十年二月始復會於澶濮之間相從來徐留百餘日
時宿於逍遙堂追感前約為二小詩記之

逍遙堂後千尋木長送中宵風雨聲誤喜對床尋舊
約不知漂泊在彭城

秋來東閣涼如水客去山公醉似泥困卧北窻呼不
起風吹松竹雨淒淒

過張天驥山人郊居

南山莫將歸下訪張夫子黍稷滿秋風蓬麻翳隣里
君年三十八三十有歸意躬耕奉慈親未覺鉏耰鄙
讀書北窻竹釀酒南園水松菊半成陰日有幽居喜
客來時借問問子何年起新求西溪石更築茆堂址
但令三歲熟此計行亦遂堂成不出門清名滿朝市

魏佛狸歌

魏佛狸飲泗水黃金甲身鐵馬箠睨山川俯畫地
畫作西方佛名字卷舒三軍如使指奔馳萬夫鑿山
窟雲中孤月妙無比青蓮湛然俛下視擊鉦卷旆抽
行營北徐府中軍吏喜度僧築室依雲煙俯窺城郭
衆山底興亡一瞬五百年細草荒榛沒孤壘

雜興二首

陋巷丈夫病且貧懸鶉百結聊庇身蠕蠕大蟲長孫
子敗繒弊絮開陽春故襦寬博裹肩胛出沒逡巡初
莫畏一朝換酒入隣家頗視罾問猶犢鼻入縫循罾

還自足肌膚轉近尤為福咋皮吮血無已時應待渠
家具湯沐

朱輪華蓋事遠遊廐無良馬乘疲牛青絲玉勒金絡
頭任重道遠旁人憂奔馳往來歷山丘騰阮投淖摧
轅軸已壓復起行未休青芻黃梁為君羞長路漫漫
經九州場有白駒胡不收飢食玉山飲河流朝秣幽
冀莫炎取奔雲掣電不少留僕夫顧之心懷愁王良
不生誰與謀哀哉駿骨千金酬

贈致仕王景純寺丞

瀟山隱君七十四紺瞳綠髮初謝事腹中靈液變丹

砂江上幽居連福地彭城為我住三日明月滿船同
一醉丹書細字口傳訣顧我沉迷真棄耳年來四十
髮蒼蒼始欲求方救憔悴它年若訪瀟山居慎勿逃
人改名字

初發彭城有感寄子瞻

秋晴卷流潦古汴日向乾扁舟久不解畏此行路難
此行亦不遠世故方如山我特一寸又巉絕何由刊
念昔各年少松筠闕南軒閉門書史叢開口治亂根
文章風雲起宵膽渤澥寬不知身安危俛仰道所存
橫流一傾潰万類爭崩奔孔融漢儒者本自輕曹瞞

誓將貧賤身一悟世俗昏豈意十年內日夜增濤濶
生民竟顛顛遊宦豈復安水深火益熱人知蹈憂患
甄豐且自叛劉歆苟盤桓而况我與兄飽食顧依然
上願天地仁止此禍亂源歲月一徂逝尚能反丘園

次韻子瞻見寄

袞袞河渭濁皎皎江漢清源流既自異美惡終未明
嗟我頑鈍質乃與公並生出處每自託謳吟輒嘗賡
譬如病足馬共此千里程勝負坐已決豈待終一秤
憶公年少時濯濯吐新萌堅姿映松栢直節凌榛荆
學成志益厲秋霜落春榮澹然養浩氣脫屣遺齊卿

百鍊竟不變三年終未鳴區區兩郡守籍籍四海聲
年來效瘖默世事慵譏評不見室家好恍如揖重城
別離長塵垢歲月何崢嶸彭門偶會合白髮互相驚
受教恐不足吐論那復爭疾雷發聾聵清月照昏盲
篤愛未忍棄浪云舊齊名更請問郭許題品要當精
子瞻杭州見寄詩云
先別駕舊齊名

將至南京寄王鞏

河牽一線流不斷雨散千絲卷却來煙際橫橋村十
里船中倦客酒三盃老年轉覺脾嫌濕世路早令心
似灰賴有故人憐寂寞繫舟待我久徘徊

次韻王鞏見贈

南都逢故人共此一樽潄初來柳吹絮再見風脫木
我老歡意微頭垂腰背曲羨子方少年健馬走平陸
狂歌手自拊醉倒頭相觸人生此一瞬世網張方目
但取食場雞豈掛雲飛鵠彭城久相違官舍虛東屋
重陽試新釀謂子當不遠胡為聽婦言婉孌自相逐
我舟得愁霖牽挽脫坑谷風霜作初寒病體欲生粟
解子腰下龜換酒不須贖照碧凝清光相將飲萸菊

送交代劉莘老

建元一二間多士四方至翩翩下鴻鵠一一抱經緯

功名更唯諾爵祿相饋遺縱橫聖賢業不磊落君臣意
慷慨魯諸生雍容古君子扶搖雲漢上睥睨千萬里
入臺霜凜然不肯下詞氣失足青冥中投命江湖裏
區區留都客矯矯當世士空使往來人歎息更相指
我生本羈孤無食強為吏褰裳避塗泥卜載守顛顛
逝將老茅屋何幸繼前軌念君今尚然顧我真當爾
百年同一夢窮達浪憂喜有酒慰離愁貧賤非君耻
次韻王鞏九日同送劉莘老

頭上黃花記別時樽中綠酒慰清悲畫船牽挽故不
發紅粉留連未遽離小雨無端添別淚遙山有意助
顰眉十分酒盞從教勸堆案文書自此辭

次韻王鞏欲往徐州見子瞻以事不成行

河水南來遶郡城銀刀空復銜衙兵交情舊許雞為
具客信那知鵲妄鳴為婦遲留應未怪還家倉卒定
何營不關秦女箏聲怨自起招賢浚上旌

宣徽使張安道生日

從公淮陽今幾年憶持壽筭當公前祝公齒髮老後
少歲歲不改冰霜顏掃除四海一清淨整頓萬物俱
安全今年見公商丘側奉祠太一真仙官身安氣定
色如玉脫遺世俗心浩然幽居屢過赤松子長夜親

種丹砂曰此中自有不變地歲閱生日如等閑門前
賀客任填委世上多故須陶甄秋風坐見蒲柳盡歲
晏惟有松栢堅斯人未安公未用使公難老應由天

章氏郡君挽詞子厚母

馮唐垂老郎潛後李白風流罷直餘解組同歸築故
國剖符仍得奉安輿家聲未替三公舊葬客應傾數
郡車德映閨門人莫見埋文子細列幽墟

聞王鞏還京會客劇飲戲贈

聞君歸去便招呼笑語不知清夜徂結束佳人試銀
甲留連狂客惱金吾燭花零落玉山倒詩筆欹斜翠

袖扶暫醉何年依錦瑟東齋還復卧罷能

次韻王鞏遊北禪

蕭蕭黃葉下城頭頓作野田風日秋粗有樽罍隨處
好斲無敲扑便能幽人稀野鳥應同樂水涸遊魚似
欲愁客去知君歡未已遶城攜手更遲留

次韻王鞏懷劉莘老

兩都來往太頻頻真是人間自在人十載讀書同白
屋千金為客買朱唇結交京邑傾心肺寓思禪宗離
垢塵為問西歸天祿客何時同看洛川神

飲餞王鞏

送君不辦沽斗酒撥醅浮蟻知君有問君取酒持勸
君未知客主定何人府中杯捲強我富案上首宿知
君真空厨赤脚不敢出大堤花艷聊相親愛君年少
心樂易到處逢人便成醉醉書大軸作歌詩頃刻揮
毫千萬字老夫識君年最深年來多病苦侵凌賦詩
飲酒皆非敵危坐看君浮大白

送王鞏兼簡都尉王詵

可憐杜老貧無食杖藜曉入春泥濕諸家厭客頻惱
人往往閉門不得入我今貧與此老同交遊冷落誰
相容幸君在此足遊行終日騎馬西復東送君仍令

君置酒如此貧交世安有君歸速語王武子因君回
船置十十

呂希道少卿松局圖

溪回山石閣蒼松立四五水深不可涉上有橫橋渡
溪外無居人磐石平可住縱橫遠山出隱見雲日莫
下有四老人對局不回顧石泉雜風松入耳如暴雨
不聞人世喧自得山中趣何人昔相遇圖書入紈素
塵埃依古壁永日奉樽俎隱居畏人知好事竟相誤
我來再三嘆空有飛鴻慕逝將從之遊不惜爛樵斧

寄孔武仲

濟南舊遊中好學惟君耳君居而有麓洵房岡巒起
我來輒解帶簷下炙背睡煎茶食梨栗看君誦書史
君歸苦倉卒窻戶日摧毀遷居就清曠改築室前址
開畦得遺植遶壁見題字雲山顧依然簿領輒隨三
思君猶未忘滿秩行自棄爾來鉅野流潦壓城壘
池塘漫不知亭榭日傾弛官吏困堤障麻鞋汙泥滓
別來能幾何陵谷旣遷徙它日重相逢衰顏應不記

孔君亮郎中新葺闕里西園棄官而歸

宦情牢落苦思歸君側無人留子思手種松筠須灌
溉親修寢廟憶烝祠定應此去添桃李還使舊堊無

棘茨他日東遊訪遺烈因公導我謁先師

寄濟南守李公擇

岱陰皆平田濟南附山麓山窮水泉見發越遍溪谷
分流遶塗巷暖氣柔草木下田滿粳稻秋成比禾菽
池塘浸餘潤菱芡亦云足辭家四千里恃此慰窮獨
公從吳興來茗雪猶在目應恐齊魯間長被塵土辱
不知西垣下滉漾千畝淥仰見鷗鷺翻俯視龜魚浴
初來厭桴鼓稍久捐鞭扑清詩調嘉賓夜話繼華燭
飛花暮雪深浮蟻糟床熟相對各忘歸西來自嫌速
人生每多故樂事難再卜鉅野一汗漫河濟相騰蹙

流沙翳桑土蛟蜃處人屋農畝分沉埋城門遭板築
傷心念漂蕩引手救顛覆勞苦空自知吁嗟欲誰告
遙知舊遊處落落空遺躅平生讀書史物理粗能矚
歸耕久不遂終作羝羊觸賦詩心自驚請公再三讀
雪中會飲李倅鈞東軒三絕
衆客喧譁發酒狂逡巡密雪自飛揚莫嫌作賦無枚
叟且喜延賓有孝王

雪花如掌墮階除劇飲時看卧酒壺半夜瓊瑤深沒
膝欲歸迷路肯留無

竹裏茅庵雪覆簷爐香藹藹著蒲簾欲求初祖安心

法笑我醺然已半酣

張恕寺丞益齋

人生不讀書空洞一無有羨君常齋居散帙滿前後
開編試尋繹閱歲行自富從橫畫圖出次第宮商奏
汪洋畜江河眇莽包林藪興亡數千歲絡繹皆在口
顧念今所知頗覺前日陋我家亦多書早歲嘗竊叩
晨耕掛牛角夜燭借鄰牖經年謝賓客飢坐失昏晝
堆甯稍蟠屈落筆逢左右樂如聽鈞天醉劇飲醇酎
自從厭蓬華誤逐功名誘初心一漂蕩舊學皆榛莠
失足難遽回撫卷長自詎幸君無事年謂可終身守

春耕不厭深秋穰當自受金玉或為災詩書豈相負
除夜會飲南湖懷王鞏

歲晚城東故相家夜聽簾外落瓊花醉眠東閣銀缸
暗起視中庭風竹斜魯酒近來無柰薄秦箏別後苦
聞誇思君勸對空陂飲歸去紛如日莫鴟

次韻張恕戲王鞏

二君豪俊並侯家歌舞爭妍不受誇聞道肌膚如素
練更堪鬢髮似飛鴟

送轉運判官李公恕還朝

我行未厭山東遠昔遊歷下今梁苑官如雞肋浪奔

馳政似牛毛常黽勉幸公四年持使節按行千里長
相見鷹掣秋田伏兔驚驥馳平野疲牛勸似憐多病
與時違未怪兩州從事懶除書奪去一何速歸袖翩
然不容挽黃河東注竭崑崙鉅野橫流入州縣民事
蕭條委濁流扁舟出入隨奔電回首應懷微禹憂歸
朝且喜寧親便公知齊楚即為魚勸築宣防不宜緩

樂城集卷第八

詩六十八首

寄范文景仁

京城冠蓋如雲屯日中奔走爭市門弊裘瘦馬不知
路獨向城西尋隱君隱君白髮養浩氣高論驚世門
無賓欣然爲我解東閣明窻淨几舒華茵春天雪花
大如手九衢斷絕愁四隣平明熟睡呼不覺清詩淥
酒時相親我况東來自東武走馬出見黃河濱及門
却遣不得入回顧欲去行無人東園桃李正欲發開
門借與停車輪青天露坐列觴豆落花飛絮飄衣巾

留連四月聽鷓鴣扁舟一去浮奔渾人生聚散未可
料卅路險惡終勞神交遊畏避恐坐累言詞欲吐聊
復吞安得如公百無忌百問廣廈安貧身

次韻王鞏上元見寄三首

棄擲良宵君謂何清天流月鑑初磨莫辭病眼羞紅
燭且試春衫翦薄羅蓮豔參差明繡戶舞腰輕瘦颯
驚鼉少年微服天街闊何處相逢解佩珂

繁燈厭倦作閑遊行到僧居院院留月影隨人深有
意車音爭陌去如流酒消鑿落寧論斗魚照琉璃定
幾頭過眼繁華真一夢終宵寂寞未應愁

燈火熏天處處同暗遊應避栢臺驄高情自放喧闐
外勝事偏多淡泊中平日交遊徒夢想留都歌吹憶
年豐知君未有南來意歸去相從光與鴻

謝張安道惠馬

從事年來鬢似蓬破車倦僕衆人中作詩僅比窮張
籍得馬還從老晉公夜起趨朝非所事曉騎行樂定
誰同慣乘款段遊田里怯聽駸駸兩耳風

公惠馬詩

次韻子瞻贈梁交左藏

彭城欲往臺無檄初喜東西合爲一將軍走馬隨春

風精銳千人森尺籍口占嘉句驚衆坐手練強兵試
鳴鏑酒酣起舞花滿地醉倒不聽人扶出歸來相對
如夢寐虎踞能經苦岑寂黃樓方就可同遊飲盡官
廚三百石

寒食遊南湖三首

春睡午方覺隔墻聞樂聲肩輿試扶病畫舫聽徐行
適性逢樽酒開懷挹友生遊人定相笑白髮近從橫
遶郭春水滿被堤新柳黃官池無禁約野艇得飛揚
浪泛歌聲遠花浮酒氣香晚風歸棹急細雨濕紅粧
攜手臨池路時逢賣酒壚柳斜低繫纜草綠薦傾壺

波蕩春心起風吹酒力無冠裳強包裹半醉遣誰扶

觀大閱

承平郡國減兵屯唯有留都一萬人票姚將軍思出
塞從橫幕府諱和親旌旗不動風將轉部曲無聲馬
亦馴八陣且留遺法在未須親試革車塵

送林子中安厚卿二學士奉使高麗二首

東夷從古慕中華萬里梯航今一家夜靜雙星先渡
海風高八月自還槎魚龍定亦知忠信象譯何勞較
齒牙屈指歸來應自笑手持玉帛賜天涯

官是蓬萊海上仙此行聊復看桑田鯤移鵬徙秋帆

健潮闊天低曉日鮮平地誰言無嶮阻仁人何處不
安全但將美酒盈船去多作新詩異域傳

送趙屺秘書還錢塘

世人何局促奔走鬢蒼蒼聞道餘杭守獨遊何有鄉
禪心朝吐月元氣夜生光清靜安罷瘵寬仁服暴強
聲名高一世風采見諸郎謁帝朱爲紱還家綠作裳
經過留畫舫談笑接清觴問訊顏依舊崢嶸歲自長
人生真幾許世味不堪嘗歸去聞詩罷求余却老方

馬上見賣芍藥戲贈張厚之二絕

春風欲盡無尋處盡向南園芍藥中過盡此花真盡
也此生應與此花同
春來便有南園約過盡春風約尚餘綠葉成陰花結
子便須攜客到君家

答見和二絕

花柳蕭條行已老聖賢希闊未嘗中眼看芍藥紛紛
盡賴有櫻桃顆顆同
塵編何用朝朝看新釀還須處處賒好事若能頻載
酒不妨時復到楊家

送呂希道少卿知滁州

長惟名卿亦坐曹忽乘五馬列旌旄才多莫厭官無

事郡小不妨名自高庶子定應牽賦詠醉翁聊復繼
遊遨試尋苦戰清流下要識經綸帝業勞

次韻張恕春莫

祇言城市無佳處亦有南湖幾度遊好雨晴時三月
盡啼鶯到後百花休老猿好飲常連臂野馬依人自
絡頭不肯低回池上醉試看生滅水中漚

次韻傅宏推官義方亭

居近古城心自幽簞瓢足用更何求鸞飛旋趁春風
出龍卧終聞莫雨搜科第聯翩收甲乙鄉閭驚怪問
因由隱君淡泊無人識長夏一杉冬一裘

次梁交之徐州

湖水清且深新荷半猶卷未見紅粧窈窕娘先排翠
羽參差扇水面風生人未知歌傾俯仰長先見岸上
遊人莫不歸清香入袖涼吹面投壺擊鞠綠楊陰共
盡清樽養白飯坐中飛將忽先起輕衫出試彭門遠
百步洪西白浪翻戲馬臺南雲岫滿江山雄麗信宜
人風流孰似梁王苑

次韻王鞏見寄三首

日永官閑自在慵門前客到未曾通憐君避世都門
裏勸我忘憂酒盞中城下柳陰新過雨湖邊荷葉自

翻風早須命駕追清賞大字新詩事事工
觸事如蒸一一低昏然一睡更何知賈生流落南遷
後陶令衰遲歸去時去位由人真水母簞瓢粗足亦
山雌年來未省談堯舜一呖麓踈豈足吹
池上輕冰暖却開迎春送臘仰銜杯君家有酒能無
事客醉連宵遣不迴詩就滴消盤上蠟信來飄盡嶺
頭梅商立冷坐君知否餅齏應須有耻壘

次韻李達見贈

大學羣遊經最明青衫顛顛竟何成
齏鹽仍作當年味名譽飛蠅過耳聲

次韻秦觀秀才携李公擇書相訪

濟南三歲吾何求史君後到消人憂君言有客輕公
侯扁舟相從古楊州致之匹馬恨無力千里相望同
異域誦詩空使四坐驚隱居未易凡人測史君南歸
無限情鴻飛鵠書墮我庭此書兼置昔年客袖中秀
句淮山青老夫強顏依府縣堆案文書本非願清談
壘壘解人頤安得坐右長相見狂客吾非賀季真醉
吟君似謫仙人末契長遭少年笑白髮應慙傾蓋新
都城酒貴誰當換塵埃汗面非良筭歸來泗上苦思
君莫待黃花秋爛漫

秦君與家兄子瞻約秋後再遊彭城

送龔鼎臣諫議移守青州二首

稷下諸公今幾人三為祭酒髮如銀
梁王宮殿歸留鑰尚父山河屬老臣
沂水弦歌重曾點菑川故舊識平津
過家定有金錢費千里爭看衣錦身

回山負海古諸侯信美東方第一州
勝勢未容秦地嶮竒花僅比雒城優
新絲出盎冬裘具貢棗登場歲事休
鈴閣虛閑官釀熟應容將佐得遨遊

送余京同年兄通判嵐州

矯矯吳越士遠為井代行寒暄雖云異
慷慨慰平生我昔在濟南君時事
淄青連年食羊炙便欲忘尊羹

問君棄鄉國何似弊屣輕丈夫事所志
歸去無田耕閑官少愧耻教子終餘齡
定心養浩氣閉目收元精此志我亦然
偶與長者并會合不可期未易夸者評
河上莫歸過南湖二絕

西來白水滿南池走馬池邊日落時
橋底荷花無限思清香乞與路人知

於田水淺容來遲解舫都門問幾時
誰道兩京雞犬接差除屈指未曾知

送提刑孫頴少卿移湖北轉運

持節憂邦刑職業已自簡下車攝留都
談笑事亦辦

開軒揖佳客退食事書卷為政曾幾何清風自無限
官居歲月迫歸念湖湘遠依依東軒竹凜凜故人面
詔書遂公私使節許新換舊治行當經家山企可見
官遊得鄉國勞苦顧猶願歸旆正滂洋行輶豈容緩

次韻劉涇見寄

天之蒼蒼亦何有亦有雲漢為之章人生混沌一氣
耳黑嘿何用知肺腸孔公孟子巧言語剖瓢挿竹吹
笙簧含宮吐角千萬變坐令隱伏皆形相我生稟賦
本微薄氤氳方寸不自藏譬如蘭根在黃土春風驅
迫生繁香口占手寫豈得已此亦未免物所將方將

寂寞自收斂不受世俗斗尺量既知仍作未能止紛
紜竟亦類彼莊煎烹心脾擢胃腎自令鬢髮驚秋霜
嗟子獨未知此病從橫自恃觜爪剛少年一見非俗
物鏘然脩竹鳴孤凰近來直欲扛九鼎令我畏見筆
力強提攜童子從冠者揣摩五帝論三皇詩書近日
貴新說掃除舊學漫無光竊攘瞿曇剽李耳牽挽性
命推陰陽狂流袞袞去不返長夜漫漫未遽央詞鋒
俊發魯連子慚愧田巴稱老蒼是非得失子自了一
醉早醒余所望

城南訪張恕

事似勞絲撥不開秋隨脫葉暗相催城南綠野宜幽
步水北紅塵漫作堆赤棗青瓜報豐熟黃雞白酒勸
徘徊此中真有醇風在一畝何年斲草萊

同李倅鈞訪趙嗣恭留飲南園晚衙先歸

城南高樓出喬木下有方塘秋水足新霜未變草木
鮮晚日旋催梨棗熟雨荒松菊半榛莽風老菰蒲初
瑟縮門前大路多塵土日中過客無留轂開門却掃
如有待下馬升堂真不速勸我一振衣上黃臨風共
倒樽中渌肴蔬草草意不盡絲竹泠泠暗相屬琳宮
仙伯自閑暇幕府麤官苦煩促晚衙簿領當及期後

堂車轄要須漉令人更愧東宮師眷戀溪山棄華屋

次韻轉運使鮮于侁新堂月夜

長愛陶先生閑居棄官後床上卧看書門前自我柳
低徊顧微祿畢竟誰挽袖索莫秋後蜂青燐曉天宿
惟將不繫舟託此春江溜尺書慰窮獨秀句驚枯朽
遙知新堂夜明月入杯酒千里共清光照我茅簷漏

送梁交供備知莫州

猛士當今守四方中原諸將近相望一樽度日空閑
暇千騎臨邊自激昂談笑定先降虜使詩書仍得靖
戎行君看宿將何承矩安用摧鋒百戰場

秋祀高禩二絕

蕩蕩巍巍堯舜前一丘
惟見栢森然後來秦漢何堪
數跋扈飛揚得幾年

乾德年中初一新顏垣
破瓦委荆榛與亡舉墜干戈
際閑暇方知國有人

過興教贈劉上人

四十年間此院留臨河
看盡往還舟同來並是三年
客聽說行藏各自羞

次韻王鞏代書

去年河上送君時我醉
看君倒接籬一笑便成經歲

隔扁舟重到滿城知舊傳
北海偏憐客新怪東方苦
愬飢應笑長安居不易空吟原上草離離

次韻南湖清飲二首

翠箔紅窓映大堤遠來清飲
歎參差盈盈積水東西
隔脉脉幽懷彼此知
淥酒謾傳工破悶主人何敢怪
顰眉明朝看月雲開未試與
詹家一問龜

坐客經年半已非喜君重到
暫相依不嫌愛酒樽頻
倒只怕題詩紙屢飛
耿耿幽懷誰與愬徐徐細酌未
應違從今更肯相過否
幾誤風吹白版扉

次韻偶成

交情淡泊久彌新吏役縈纏日益紛香火社中真避
世簿書叢裏強論文樽壘正及明蟾夜舟楫來隨早
鴈羣世俗如君今有幾真將富貴等浮雲

中秋見月寄子瞻

西風吹暑天益高明月耿耿分秋毫彭城閉門青嶂
合臥聽百步鳴飛濤使君携客登燕子月色着人冷
如水筵前不設鼓與鐘處處笛聲相應起浮雲卷盡
流金丸戲馬臺西山鬱蟠杯中綠酒一時盡衣上白
露三更寒扁舟明日浮古汴回首逡巡陵谷變河吞
巨野入長淮城沒黃流只三版明年築城城似山伐
木爲堤堤更堅黃樓未成河已退空有遺蹟令人看
城頭見月應更好河流深處今生草子孫幸免魚鼈
食歌舞聊寬使君老南都從事老更貧羞見青天月
照人飛鶴投籠不能出曾是彭城坐中客

次韻王鞏自詠

平生未省爲人忙貧賤安閑氣味長粗免趨時頭似
葆稍能忍事腹如囊簡書見迫身今老樽酒聞呼首
一昂欲挽天河聊自洗塵埃滿面鬢眉黃

次韻王鞏同飲王廷老度支家戲詠

白魚紫蟹早霜前有酒何須問聖賢上客遠來工綬

頰雙鬢爲出小垂肩新傳大曲皆精絕忽發狂言亦
可憐莫恠貧家少還往自須先辦買花錢

送王鞏之徐州

遨遊公卿間結交非不足高秋遠行邁黃泥沒馬腹
問君胡爲爾笑指籬間菊故人彭城守久作中朝逐
詩書自娛戲樽俎當誰屬相望鶴頸引欲往龜頭縮
前期失不遂浪語頻遭督黃樓適已就白酒行亦熟
登高暢遠情戲馬有前躅篇章雜笑語行草爛盈幅
歸來貯篋笥把玩比金玉吾兄別我久憂患欲誰告
孤告多風霆彈射畏顛覆白頭日益新歲寒喜君獨

紛紛衆草中冉冉凌霜竹恨我閉籠樊無由託君轂

次韻張恕九日寄子瞻

無限黃花簇短籬濁醪霜蟹正堪持坐曹漫爾誇勤
瘁割肉何妨誚詆欺世外罇壘終日放俗間簿領莫
相縻茱萸挿遍知人少談笑須公一解頤

第
更
少
一
人

王
摩
詰
詩

戲次前韻寄王鞏二首

白馬貂裘錦幕籬離觴澁灑手親持頭風欲待歌詞
愈肺病甘從酒力欺不分歸心太忽草更憐人事苦
縈縻相逢借問空長歎便捨靈龜看朵頤

細竹寒花出短籬故山耕耒手曾持官遊曷比鳧鷖
集歸計長遭句倭欺歌舞夢回空歷記交朋飛去自
難縻悠悠後會須經歲冉冉霜髭漸滿頤

贈杭僧道潛

月中依松鶴露下抱葉蟬賦形已孤潔發響仍清圓
潛師本江海浪迹遊市廛髭長不能翦衲壞聊復穿
瘦骨見圖畫禪心離攀緣出言可人意一一皆自然
問師藏何深不與世俗傳舊識鬚學士復從璉耆年
塵埃既脫落文彩自精鮮落落杜中人如我亦有旃
柰何一相見撫卷坐長歎歸去勿復言山林信多賢

張安道生日二首

椿年七十二迴新蓬矢桑弧記此晨養就丹砂無上
藥已超諸數自由身中年道路趨真境外物功名委
世人今夜空庭香火罷定應星斗識天真

十載從公鬢似蓬羨公英氣老猶充生時別得星辰
力晚歲仍加鼎竈功世事不堪開眼看勞生漸恐轉
頭空問公試覓刀圭藥歲歲稱觴此日中

李鈞壽花堂并叙

尚書郎晉陵李公秉性直而和少從道十得養生
法未五十去嗜欲老而不衰為南都通守其西堂

北牖下池生菖蒲開花三四芬馥可愛以書占之
曰此壽考之祥也因名其堂曰壽花而余為作詩
記之

石上菖蒲十二節仙人服之好顏色根如蟠龍不可
得葉中開花誰復識夫子自少讀道書年未五十嗜
欲除河流通天非輓轡下入金鼎融為珠一醉斗酒
心自如鬼物窺覘驚睚眦菖蒲花開壽之符白髮變
黑顏如朱它年三茆訪君廬拍手笑我言不虛

次韻子瞻題張公詩卷後

世俗甘枉尺所願求直尋不知一律訛大樂無完音

見利心自拙慮害安得深至人不妄言淡如朱絲琴
悲傷感舊俗不類騷人淫又非避世翁閤嘿遽陽瘖
嗶嗶晨雞鳴豈問晴與陰世人積寸木坐使高樓岑
晚歲臥草廬誰聽梁甫吟它年楚倚相儻能記惜惜

次韻廣州陳繹諫議和陳薦宋敏求二龍圖二

首

曾送飛龍白日翔未應中路許還鄉鶴歸仍有當年
伴松老知經幾度霜城下寶坊聊寄榻朝中振鷺舊
成行相逢出處何須問五嶺清平十月涼
右和彥升
寓定力
琳宮清淨思悠哉頗似山林未肯迴五日趨朝真自

適一樽無事得頻開
董狐執筆何時易
馬援征蠻未
遽來奔走安閑誰定是
都門携手一徘徊
右和禮泉

次韻王廷老寄子瞻

歌吹新成百尺臺
青山臨水巧崔嵬
佳人解作回文
語狂客能鳴摻鼓雷
擷菊傳杯醒復醉
採菱盪漿去
仍回新年聞欲相從飲
春酒還須剝作醅

次韻頰起考試徐沂舉人見寄二首

齊楚諸生儼鞞紳
人人願得出君門
銜枚勇銳驚初
合棄甲須臾訝許奔
細讀未辭燈損目
久留終厭棘
為藩定應親刈翹
中楚把卷喧呼半夜言

老年從事忝南京
海內交遊尚記名
怯見廣場心力
破厭看細字眼花生
新科未暇通三尺
舊曲惟知有
六莖空憶倚樓秋
雨霽與君看遍洛陽城
前舉與頰同試西京

人舉

送李鈞郎中

君家毗陵本江南
雖為浙西終未甘
風流秀發自不
減氣質渾樸猶中含
敲榜滿前但長嘯
簿書堆案常
清談湖中往往載
畫舫竹下小小開
茅庵歌吟騁
類騷雅導引委曲師
彭聃新茶潑乳睡
方覺淶酒傾
水醒復酣一朝揮手去
不顧使我把袂心難堪
扁舟

水涸費牽挽瘦馬雪凍憂朝參一官來往似秋鷺薄
俸包裹如春蠶東南乞麾尚可得白首誰念家無餘
送文與可知湖州

連持梁洋印久作溪山主深知為郡樂但畏買茶苦
來歸天祿閣坐守登聞鼓九重未明入百辟盈庭舞
城南獨歸臥心事誰當語舊聞吳興勝試問天公取
家貧橐裝盡歲莫輕帆舉茗溪淨多石棄嶺瘦無土
湖藕雪冰絲山茶潑牛乳香粳飯玉粒鮮鯽鱠紅縷
宮開水精潔人寄畫屏住俗吏自難堪詩翁正當興
從來思清絕况乃病新愈團團肘後丹曷曷胃中素

高卧鎮夸俗清談靜煩訴應笑杜紫微湖亭但狂顧
嘉雪呈鮮于子駿三首

發函寬大一封書卧閣雍容三日餘旋見雪花投夜
落未應天意與人疎瓦乾淅淅初鳴霰畦潤漸漸想
沒鉏高會梁園遺勝在早知詞賦似相如

春秋無麥自當書况復秋田水潦餘一雪端來救焦
槁千箱乞與等親踈消殘温瘴曾非藥蝕遍陳根不
用鉏猶恐遠村霑未足試呼農圃問何如

蠶紙鋪庭幾誤書楊花糝逕未春餘積隨平野分高
下舞信微風作蜜踈解使遊人似姑射仍令飛鳥變

春鉏共驚天巧無能學造物無心本亦如

次韻文務光秀才遊南湖

料峭東風助臘寒汀澄白酒借衰顏滿床書卷何曾
讀數步湖光自不開夢想綠楊垂後浦眼看紅杏照
前山新春漸好君歸速不見遊人暮不還

湖前小山

子瞻惠雙刀

彭城一雙刀黃金錯刀鏢脊如雙引繩色如青琅玕
開匣飛電落入手清霜寒引之置膝上凜然愁肺肝
我衰氣力微覽鏡毛髮斑誓將斬鯨鯢靜此滄海瀾
又欲戮犀兕永息行路難有志竟不從撫刀但長歎

投刀浹如霰北斗空闌干歸來刈蓬蒿鉏田植芳蘭
惜刀不忍用用亦非所便棄置塵土中坐使鋒刃利
床頭夜生光知有蛟龍蟠慚君贈我意時取一磨看
留守與賓客會開元龍興寺觀燈余有故不預
中夜登南城而望

燈引雙旌萬點紅傾城車馬在城東使君行樂人人
共勸客安眠夜夜同夢想笑談傾滿坐卧聞歌筦逐
春風三更試上南樓看無限繁星十里中

欒城集卷第八

欒城集卷第九

詩七十首

春日耕者

陽氣先從土脉知老農夜起飼牛飢
雨深一尺春耕利日出三竿曉餉遲
婦子同來相嫵媚烏鳶飛下巧
追隨紛紜政令曾何補要取終年風雨時

自柘城還府馬上

春色無人見茲行偶衆先
柳黃新過雨麥綠稍鋪田
河潤兼冰散禽聲向日圓
城池高受霧淮渙暖生煙
送客情初惡還家意稍便
旋聞夫事起已過佛燈然

簿領何時畢塵埃空自憐南湖漸可到早治木蘭舡

次韻子瞻人日獵城西

將賢士氣振令肅軍聲悄晨登戲馬臺一試胡騾裹
城空巷無人里社轉相曉吾公庶無疾但恐囿囿小
荆榛一焚蕩雉兔皆驚矯翩翩白馬將手把青絲挑
少小事邊徼斬刈輕茶蓼殿前賜鞍勒珂月明皎皎
自言得所事強暴無不了廟筭本詩書下策禁焚燎
當令百鍊剛甘就一指繞低回未嘗試坐被世人少
秋霜一朝下凌厲見鷲鳥爲君整驕情重立穰苴表

送鮮于子駿還朝兼簡范景仁

蜀中耆舊今無幾相逢握手堪流涕勸遊滌倒不還
家舊俗陵遲真委地錢荒粟帛賤如土權峻茶鹽不
成市詩書鄉校變古法節行故人安近利欲歸長恐
歸不得歸去相歡定誰是低徊有似羊觸藩眷樂僅
同雞擇米中山先生昔所愛南都攝尹私相喜窮冬
夜長一事無燈火相從夜深曠讀書萬卷老不廢感
寓百篇深有意俗吏惟知畏簡書窮途豈意逢君子
昏風歸騎忽西顧平日高談應且止朝騎疋馬事朝
謁莫就一床尋夢寐猶有城西范蜀公買地城東種
黍李花絮飛揚酒滿壺談笑從容詩百紙紅塵暗天

獨不知白首相看兩無愧古人避世今馬門何必柴
車返田里

次韻秦觀見寄

東家有賢人西家苦相忽幽蘭委冰霜掩靄特未發
春風吹芳蕤爛熳安可沒東南信多士人物世不闕
考槃溪山間自獻耻干謁誰憐幽閑女艷色比南越
垂耳困鹽車拍金空買骨讀書謝世事閉門動論月
予生亦羈旅處世常卒卒誰令釣竿手強復此持笏
惟餘七尺軀空洞中無物時蒙好事過解榻聊一拂
野情樂江海夢想扁舟几隱居便醉睡世路多顛蹶

榮華一朝事毀譽百年歇相勸沐咸池陽阿晞汝髮

次韻道潛見寄

蕭蕭華髮映衰容慙愧高僧歎不逢遊宦終身空處
處塵埃何日退重重已甘憔悴雞羣鶴猶勝劬勞早
歲龍回首不堪膏火熱試求甘露洒青松

次韻王鞏元日

庭鵲營巢初一枝餘寒未便袂羅衣春風娜娜還吹
霰歲事駸駸已發機上國遨遊誰信老中年情味祇
思歸和詩應覺添新懶過盡長空鴈北飛

送將官歐育之徐州

輕衫駿馬走春風未識彭城氣象雄青山只在白門
外明月盡屬黃樓中五斗濁醪消永日一雙鳴鏑戲
晴空歸來笑殺幕府客閉戶看書滴滴窮

次韻答王鞏

居家當盛時畫戟擁朱戶中書十八年清明日方午
形容畫雲閣功業載盟府中庭二槐在遺迹百世睹
子孫盡豪俊豈類世寒窶胡爲久遭厄黽俛受侵侮
往來兩都間奔走未安土願言解纓紱歸去事農圃
嘉禾根未拔且忍俟甘雨拂衣走東臯此說吾不取
聊復放襟懷清談對僧麈躬耕未可言知田顧乃父

次韻子瞻過淮見寄兼簡孫奕職方三首

出處平生共江淮恨不來宦遊良誤我老病賦懷哉
徇物終今世量書盡幾堆歸耕少憂患惟有仰春雷

蜀中謂田無水利者爲雷鳴田

龜山昔同到松竹故依然紅印封鹹豉黃罌分井泉
青天攜杖處晚日落帆偏無限相思意新詩句句傳

又

行役饒新喜臨川逢故人相看對泉石憐我在埃塵
會合終多故分張類有神南遊得如願夢想雪溪春
次韻王鞏留別

決策歸田豈世情網羅從此脫餘生請君速治雞黍
具待我同爲沮溺耕秋社相從醜錢飲日高時作叩
門聲茅廬但恐非君處籍籍朝中望已傾

次韻答孔武仲

白髮青衫不記年相逢一笑蹙欣然誦詩疊疊鋸木
屑展卷駸駸下水舡未肯尺尋分枉直自然鑿枘有
方圓閑官更似揚州學猶得昏昏晝日眠

送傳宏著作歸覲待觀城闕

膠西前輩鄭康成千載遺風及後生舊學詩書儒術
富兼通法律吏能精還家綵服頻爲壽得邑河壘喜

有兵民事近來多迫促弦歌聊試武城聲

律有鄭氏章句

連雨不出寄張恕

麥熟燒蟲繅熟似烝雨傾三尺未爲淫洗清溝澮蚊蚋
靜沒盡蒲蓮沼沚深遺秉滿田驚朽腐移荇避漏畏
侵尋高閑祇有張公子卧聽蕭蕭打葉音

和于瞻自徐移湖將過宋都途中見寄五首

東武厭塵土彭門富溪山從兄百日留退食同躋攀
輕帆過百步船底驚雷翻有輿上南麓眼界涵川原
愛此忽忘歸願見且三年我去已忽忽兄來亦崩奔
永懷置酒地遶國多雲煙

我昔去彭城明日河流至不見五斗泥但見二竿水
驚風鬱颯怒跳沫高睥睨激灑三月餘浮沉一朝事
分將食魚鼈何暇顧隣里悲傷念遺黎指顧出完壘
繚堞對連山黃樓麗清泗功成始逾歲脫去如一屣
空使西楚氓欲語先垂涕

千金築黃樓落成費百金誰言史君侈聊慰楚人心
高秋吐明月白壁懸青岑晃蕩河漢高恍恨窻戶深
邀我三日飲不去如籠禽史君今吳越雖往將誰尋

又

欲買爾家田歸種三頃稻因營山前宅遂作泗濱老

竒窮少成事飽煖未應早願輸橐中裝曰家近無報
平生百不遂今又一笑倒它年數畝宮懸知迫枯槁

又

梁園久蕪沒何以奉君遊故城已耕稼臺觀皆荒丘
池塘塵漠漠鴈鷺空遲留俗衰賓客盡不見枚與鄒
輕舟舍我南吳越多清流

次韻劉貢父登黃樓懷子瞻二首

青山開四面白水遶三隅野闊時聞籟人閑舊據梧
畫船留上客遺迹問田夫事少日常飲才踈世未須
決河初存至勝事偶相俱燕子早無取滕王遠可樵

飛濤隱睥睨落日麗浮圖同舍新持節專城敢遽呼
未迎行部駕已放下淮廬試問登消暑如何楚與吳

吳興有
消暑樓

再和

藹藹才名世駸駸日轉禺一時同接浙平昔共棲梧
攬轡真壯士擁旄良大夫塵埃脫縉綬水石慰霜須
勝地來相失清樽未暇俱射餘空見帖鑄罷祗觀樵
歸計何當決徂年貴早圖檻中終為食犇上耻聞呼
顧我千羊毳平生一釣鱸微官不須滿也復試遊吳

陪杜充張恕鴻慶宮避暑

至後雨如瀉晴來熱更多簿書霑汗垢巖石思藤蘿
賴有祠宮靜時容俗客過老郎無不可公子亦能和
道勝還相接禪迷屢見訶清涼生絕念煩暑散沉痾
古木便張幄鳴禽巧當歌桃香呈絳頰瓜熟裹青羅
飯細經脣滑茶新到腹適劇談時自笑飽食更無它
適意未應厭後遊真若何官居鄰曲沼田畎助清波
晚照明疎柳微風響衆荷輕舟尚可載小雨試漁蓑

宋城宰韓秉文惠日鑄茶

君家日鑄山前住冬後茶芽麥粒麤磨轉春雷飛白
雪甌傾錫水散凝酥谿山去眼塵生面簿領埋頭汗

匣膚一啜更能分幕府定應知我俗人無

次前韻

龍鸞僅比閩團醞鹽酪應嫌北俗寵採愧吳僧身似
腊點須越女手如酥舌根遺味輕浮齒腋下清風稍
襲膚七盜未容留客試瓶中數問有餘無

答孔武仲

飛霜委中林不廢長松綠驚風振川野未省勁草伏
我貧客去盡君來常不速愧君贈桃李永願報瓊玉
我性本山林苦學筆空秃驂騑塞東莊病足顧難逐
錦文樹華藻弊褐非所續家有五車書恨不十年讀

濟南昔相遇我齒三十六談諧傾蓋間還徃白首熟
從君飲濁酒過我飯脫粟西胡多莢亂白晝下鴻鵠
城西野人居柴門擁脩竹後車載鷓夷下馬瀉醪醪
醉眠卧荒草空洞笑便腹踈狂一如此豈望世收錄
別來今幾何歸期已屢卜西南有薄田茅舍清溪曲
耕耘三男子伏膺當自足君能遠相尋布衣巾一幅
送吳思道道人歸吳興二絕

一去吳興十五年東歸父老幾人存惠山唯有錢夫
子一寸間田曉日曷

遨遊海上冀逢人宴坐山中長閉門夫住只今誰定

是相逢一笑各無言

次韻答陳之方秘丞

南山李將軍疋馬獨行獵田中射虎豹後騎不容躡
丈夫貴自遂老大饒驚懾飄搖天地間自視如一葉
故人多東南願作扁舟涉忽蒙長篇贈幸此傾蓋接
時世尚新奇詩書存舊業南風吹清汴西去無停楫
恨不留君談一使衆坐厭新詩苦清壯欲和再三怯
東君多名卿投刺日盈笈一言苟合意富貴出旬浹
行看文石階高談曳長袂辱贈但茫然知君念疲榮

登南成可感示之務之二三

幽憂隨秋至秋去憂未已南城試登望百草枯且死
落葉投人懷驚鴻四面起所思不可見欲往將安至
斯人定誰識顧有二三子清風皎冰玉滄浪自湔洗
竊脂未嘗穀南箕儻微似網羅一張設投足遂無寄
田深狡兔肥霜降鱸魚美造形悼前失式微慙往士
憧憧畝丘道歲晚嗟未止西山有茅屋鋸耜本吾事

張公生日

是歲己未
初致仕

少年談王霸英氣干斗牛中年事軒冕徇世仍多憂
晚歲探至道眷眷懷林立今年乞身歸始與夙昔酬
高秋過生日真氣茲一周觀心比孤月視世皆浮漚

表裏一融明萬物不能留顧謂憧憧人斯樂頗曾不
嗟我本俗士從公十年遊謬聞出世語俛作籠中囚
俯仰迫憂患欲去安自由問公昔年樂孰與今日優
山中許道士非復長史儔腹中生梨棗結實從今秋
客舟逝將西日夜西北風維舟罷行役坐令鬢如蓬
偶從二三子步上百尺臺雲煙遍原隰敞視令人哀
山中難久居浮沉在城郭欲學揚子雲避世天祿閣
浮木寄流水行止非所期何須自爲計水當爲我移
外物不可必惟此方寸心中自有樂事手付瑟與琴

次韻答張耒

夜吟感秋詩惜此芳物零幽人亦多思起坐再三聽
白駒在空林餅罄有耻壘盡我一杯酒愁思如雲頽

次王適韻送張耒赴壽安尉二首

綠髮驚秋半欲黃官居無處覓林塘浮生已是塵勞
侶病眼猶便錦繡章羞見故人梁苑廢夢尋歸路蜀
山長憐君顧我情依舊竹性蕭疎未受霜

魏紅深淺配姚黃洛水家家自作塘遊客賈生多感
槩閑官白傅足篇章山分少石雲煙老宮廢連昌草
木長路出嵩高應少駐孱顏新過一番霜

次韻張耒見寄

相逢十年驚我老雙鬢蕭蕭似秋草壺漿未洗兩脚
泥南轅已向淮陽道我家初無負郭田茅廬半破蜀
江邊生計長隨五斗米飄搖不定風中煙茹蔬飯糗
不願餘茫茫海內無安居此身長似伏轅馬何日還
為縱壑魚憐君與我同一手微官骭髀差牛後請看
挿版趨府門何以曲肱眠甕牖中流千金買一壺
中羨玉不須沽洛陽權酒味如水百錢一角空滿盃
縣前女几翠欲滴吏稀人少無晨集到官惟有懶相
宜卧看南山春雨濕

次韻王適兄弟送文務光還陳

三君皆親非復客執手河梁我心惻倚門耿耿夜不
眠挽袖忽忽有難色君歸使我勞寃夢落葉鳴堦自
相擁君家西歸在新歲此行未遠心先恐故山萬里
知何許我欲因君亦歸去清江鬢髯釣魚船脩竹平
生讀書處青衫白髮我當歸咀嚙式微慙古詩少年
勿作老人訓被服榮名慰所思

次韻張芻諫議燕集

淮陽卧閣生清風梁園坐嘯囹圄空不知何術解躡
躡但覺羈客忘焚籠樽罍灑落談笑地塵埃脫去文
書聚清心漸欲無一事少年空記揮千鍾近傳移履

股肱郡復恐入覲明光宮人生聚散不可料一杯相
屬時方冬浮陽似欲作飛霞想見觀闕瓊花中孝王
會集猶可繼莫嫌作賦無枚翁

聖民昔知陳州
余嘗從之遊矣

臘雪五首

長恐冬無雪今朝忽暗空細聲聞款款遠勢望濛濛
濕潤猶兼雨傾斜半雜風豐登解多事歡喜助三農

又

驕陽不能久密雪自相催急霰初鳴瓦飛花旋集臺
看人消瘴疫覆麥長根荻欲試樽中物門前問客來

又

又有歸耕意西山百畝田雪來殊不惡酒熟日相便
一被簪裳裹長遭羅網牽飛翼迫殘臘愁思渡今年

又

憂愁不可緩風雪故相撩試問五斗米能勝一束樵
耕耘終亦飽哺啜定誰邀寒暑不須避傾危且自遙

又

雪霜何與我憂思自傷神忠信亦何罪才名空誤身
歸來聊且止老去莫逢嗔樽酒它年事相看醉此晨

次韻王適雪晴復雪二首

驕陽得一雪踰尺應更好晨興視窗隙驚見晴霞杲

九衢無停迹狼藉須一掃空餘浩然氣凜凜接清昊
餘寒薄虛室一靜解羣燥晨炊晚未供客饋慙草草
試脫身上衣行問酒家保孤吟擊槁木大笑稱有道
人生但如此富樂何用禱所思獨未見耿耿屬懷抱

又

同雲自成幄飛雪來無根一爲清風卷坐見東方暎
重陰偶復合飛霰滿南軒油然青春意已見出土膏
老病一不堪惟恃濁酒溫開戶理松菊掃蕩無遺痕
卷舒朝夕間誰識造化元乾坤本何施中有神怪奔
萬物極毫末顛倒何足掀老農但知種荷鋤理商園

送呂由庚推官得替還洛中二首

君家相國舊元勳凜凜中丞繼後塵談笑二年同幕
府風流一倍愈它人南都去後少佳客西洛歸來多
老臣我亦宦遊無久意它年松竹許相鄰

洛水留人一向乾雪泥溢路十分寒送行我豈無樽
酒多難君知久鮮歡回首祗應憐老病凌風爭看試
輕翰到家定見嵩陽老問我衰遲未解官

司馬君實
提舉嵩山

詩
福

四十一歲歲莫日歌

小兒不知老人意賀我明年四十二人生三十百事

衰四十已過良可知少年讀書不曉事坐談王霸了
不疑脂車秣馬試長道一日百里先自期不知中途
有陷穿山高日莫多棘茨長裾大袖足夠挽却行欲
返筋力疲蝮蛇當前猛虎後脫身且免充朝飢歸來
掩卷淚如雨平生讀書空自誤山中故人一長笑布
衣脫粟何所苦古人知非不嫌晚朝來聞道行當返
四十一歲不可言四十二歲聊自還

次韻子瞻繫御史獄賦獄中榆槐竹栢

秋風一何厲吹盡山中綠可憐凌雲條化為樵夫束
凜然造物意豈復私一木置身有得地不問直與曲

青松未必貴枯榆還自足紛然落葉下蕭條愧華屋

盛衰日相尋循環何曾歇攀條攀柔莢回首驚脫葉
綠槐陰最厚零落今存莢千林一枯槁平地三尺雪
草木何足道盈虛視新月微陽起泉下生意未應絕

故園今何有猶有百竿竹春雷起新萌不放牛羊觸
雖無朱欄擁不見紅塵辱清風時一過交戛響鳴玉
淵明避紛亂歸嗅東籬菊嗟我獨何爲棄此北窻綠

曲如山下藤腕若溪上葦春風一張王秋霜死則已
胡爲南澗中辛勤種栢子上枝撓雲霓下根絞石齒
伐之爲梁棟歲月良晚矣白首閱時人君看柱下史
栢

次韻子瞻贈張憨子

得罪南來正坐言道人閉口意深全天遊本自有真
樂弄殼誰知定不賢構火噉噉初吐日飛沓袞旋
成川此心此去如灰冷肯更逢人問復然

過龜山

再涉長淮水驚呼十四年龜山老僧在相見一茫然

僧老不自知我老私自憐驅馳定何獲少壯空已捐
掉頭不見答笑指岸下船人生何足云陵谷自變遷
當年此山下莫測千仞淵淵中械神物自昔堯禹傳
帆播避石壁風雨隨香煙爾來放冬沐冷沙漲成田
寨裳六月渡中流一帶牽俯首見砂礫羣魚捕魴鱸
父老但驚歎此理未易原何況七尺軀不爲物所旋
衆形要同盡獨有無生全百年爭奪中擾擾誰相賢

放閘二首

畫舫連檣住清流沉閘平忽看銀漢落仍聽夏雷驚
正拖遲迴久開頭取次輕滯留初一快奔駛忽如傾

不識風濤恐聊同枕席行行逢賤魚稻飽食慰平生

又

閘空非有礙水靜爲誰興開閉偶然異喧豷自不勝
淵停初鏡淨勢轉忽雲崩脫隘尚容與投深益沸騰
玉山紛破碎陣馬急侵陵挾版千鈞重浮舟萬斛升
岸搖將落木魚困或投罾洶湧曾誰止蕭條遠欲凝
力爭知必折少待亦何能一發臨流笑微言早服膺

次韻王適細魚

羣魚一何微僅比毛髮大嬉遊極草草鬚鬣自箇箇
造物賦羣形偶然如一啣吞舟雖云巨其樂不相過

若言無性靈深知避船拖

高郵別秦觀二首

濛濛春雨濕邗溝蓬底安眠晝擁裘知有故人家在
此速將詩卷洗閑愁

筆端大字鴉棲壁袖裏清詩句琢冰送我扁舟六十
里不嫌罪垢汙交朋

高安此去風濤惡猶有廬山得縱遊便欲攜君解船
去念君無罪去何求

召伯埭上斗野亭

細雨添春色微風淨旆流徂年半今世生計一扁舟

飲食隨魚蟹封疆入斗牛江波方在眼轉覺此生浮
次韻鮮于子駿遊九曲池

天高山近海春盡草生池禾黍多新恨川原自昔時
花存故苑麗樵出舊城隳莫望瓜洲渡曾經駐佛狸

揚州五脉

九曲池

嵇老清彈怨廣陵隋家水調繼哀音可憐九曲遺聲
盡惟有一池春水深鳳闕蕭條荒草外龍舟想像綠
楊陰都人似有興亡恨每到殘春一度尋

平山堂

歐陽永叔所建

堂上平看江上山晴光千里對憑欄海門僅可一二
數雲夢猶吞八九寬簷外小崇陰蔽帟壁間遺墨涕
沈瀾人亡坐使風流盡遺構仍須子細觀

蜀井

明在大寺

信脚東遊十二年甘泉香稻憶歸田行逢蜀井恍如
夢試煮山茶意自便短綆不收容盥濯紅泥遠置亦
清鮮早知鄉味勝爲客遊宦何須更着鞭

摘星亭

迷樓舊址

闕角孤高特地迷迷藏渾忘日東西江流入海情無
限莫雨連山醉似泥夢裏興亡應未覺後來愁思獨

難齊只堪留作遊觀地看遍峯巒處處低

僧伽塔

山頭孤塔閱真人云是僧伽第二身處處金錢追晚
供家家蠶麥保新春欲求世外無心地一掃胷中累
劫塵方丈近聞延老宿清朝留客語逡巡

題杜介供奉熙熙堂

門前籍籍草生徑堂上熙熙氣吐春遮眼圖書聊度
日放情絲竹最關身年來頻脫烏皮几客去時乾漉
酒巾卜築城中移榜就休心便作廣陵人

遊金山寄揚州鮮于子駿從事邵光

揚州望金山隱隱大如幞謁來長江上孤高二千尺
僧居厭山小面面貼蒼石虛樓三百間正壓江湖白
清風歛霽霧曉日耀金碧直侵魚龍居似得鬼神役
我行有程度欲去空自惜風吹渡江水山僧午方食
波瀾洗我心筍蕨飽我腹平生足遊衍壯觀此云極
鐵甕本誰安海門復誰植東南流隱見遙與此山匹
茲遊幾不遂深愧幕府客歸時日已莫正直江月黑
顧視天水并坐恐星斗濕使君何時罷登覽不可失

初至金陵

山川過雨曉光浮初看江南第一州路繞匡廬更南

去懸知是處可忘憂

藥城集卷第九

